



Ketouvim (hagiographes) - Ecclésiaste

Chapitre 11

- 11,1 שלח לחמך, על-פני המים: כי-ברב הימים, תמצאנו.
- 11,2 תן-חלק לשבעה, וגם לשמונה: כי לא תדע, מה-יהיה רעה על-הארץ.
- 11,3 אם-ימלאו העבים גשם על-הארץ-יריקו, ואם-יפול עץ בדרום, ואם בצפון--מקום שיפול העץ, שם יהוא.
- 11,4 שמר רוח, לא יזרע; וראה בעבים, לא יקצור.
- 11,5 כאשר אינך יודע מה-דרך הרוח, בעצמים דבטן המלאה: ככה, לא תדע את-מעשה האלהים, אשר-יעשה, את-הכל.
- 11,6 בבקר זרע את-זרעך, ולערב אל-תנח-ידך: כי אינך יודע אי-זה יקשר, הזה או-זה, ואם-שניהם באחד, טובים.
- 11,7 ומתוק, האור; וטוב לעינים, לראות את-השמש.
- 11,8 כי אם-שנים הרבה יתיה האדם, בכלם ישמח; ויזכר את-ימי החשך, כי-הרבה יהיו כל-שבת הבל.
- 11,9 שמח בחור בילדותיך, ויטיבך לבך בימי בחורותיך, והלך בדרכי לבך, ובמראי עיניך; ודע, כי על-כל-אלה יביאך האלהים במשפט.
- 11,10 והסר כעס מלבך, והעבר רעה מבשרך: כי-הילדות והשחרות, הבל.



Rabbi Its'hak Abi'hssira, "Baba 'Haki"

Biographie incontournable de l'un des leaders du Judaïsme marocain et pionnier-fondateur en Erets Israël.

Commandez : Tel. (Fr) : +33.1.80.91.62.91 - (Isr) : +972.77.466.03.32 - www.torah-box.com/editions